

呼倫貝爾概要

下

東北文化社叢刊之一

呼倫貝爾概要

下冊

鄒尚友朱枕薪合編

第三章 呼倫貝爾之經濟的價值

呼倫貝爾地廣人稀。平均每二方里不過一人。其居民之生活。悉依地理及氣候之關係而定。東北與西南兩部之天然氣象。既互有不同。其生產事業。自亦各異。東北部多山。居民之惟一職業。乃惟林業。西南部水草豐美。故多事畜牧。惟兩地有一共同之職業。厥為皮毛業。西部則因多河流及湖沼之故。漁業隨之發生。且近十年來。在牙克石站以西鐵路線往北之地域內。農業漸形發達。各地蘊藏之礦產亦相繼發現。茲即就呼倫貝爾之牧畜漁獵森林農礦工商各業。分別說明如下。

(一) 畜牧

呼倫貝爾有含鹽之地質。與便利之水源。為東三省全境最宜畜牧之地。沿興安嶺山麓以至森林地帶之間。牲畜成羣。所居者皆遊牧民族。而牲畜實為呼倫貝爾唯一之財富。完糧納稅貿易。皆以牲畜。其種類有牛有馬有羊有猪有駱駝。駱駝負重行遠。頗便利貨物之運輸。牛羊猪不但可供自身日常之食用。且出售可獲大利。牛乳與羊毛。購者需求尤殷。馬匹亦頗值錢。據民國十四年十二月呼倫貝爾副都統公署之統計。全境有馬十七萬匹。牛十四萬頭。羊一百五十萬隻。駱駝七千頭。平均每游牧民有羊四十八隻。

或四十九隻。牛五頭或四頭。馬五匹或六匹。此外全境尚養豬二千四百頭。鹿一千頭。日後逐漸繁殖。最近當然不止此數。試觀左表。

土著居民	駱	駝	馬	牛	羊
(一) 鐵路線以內		一四九五	四五七〇	八九六〇	四二二〇〇
(二) 鐵路線以外		七〇〇〇	六三二六	二一七二八	五五七九五
游牧民族		七〇〇〇	一七〇〇〇〇	一四〇〇〇〇	一五〇〇〇〇〇
全境總數		八四九五	一八〇八九六	一七〇六八八	一五九七九九五

此外牧畜業附屬產品。若獸骨。薩拉油。牲畜遺物。羊

毛等。亦為出產品之大宗。據近年調查。總計此項畜牧業之牲畜及其原料品。每年以剩餘數量輸出博金錢者。約共值銀洋三百萬元之譜。試觀左表。

畜牧業之牲畜及其原料品之代價

馬匹

墨洋四十一萬二千五百元

牛隻

墨洋五十萬元

綿羊

墨洋三十五萬元

肉

墨洋三十五萬五千元

羊毛(未洗者)

墨洋一百二十萬元

各種皮張

墨洋二十三萬八千三百元

馬毛

墨洋三萬六千八百元

薩拉油

墨洋一千元

其他產品

墨洋一萬元

總數

墨洋三百十萬三千六百元

牧畜剩餘產品輸出表

自民國十二年至十六年每年平均輸出數

馬

三千匹

牛

一萬頭

綿羊

五萬一千四百隻

羊毛

一千二百二十九噸

各宗皮張

三千二百五十噸

馬毛

三十噸

骨

一百四十四噸

薩拉油

三噸

牲畜遺物

三十六噸

肉

七百六十五噸

至輸出牧畜業產品之剩餘數量及其代價。將來有無增加。殊難斷言。蓋遊牧蒙人終年在原野牧養。其健全與否。全恃氣候之狀況。及草類之豐歉。於改良方法毫無進步。一遇牲畜患傳染病症。輒束手以待其斃。近年稍知進步。遇有牲畜患瘟疫。常向東省鐵路獸醫處請求救濟。將來欲



求其改善與增加。惟在先籌廣大之計劃。善為指導。使逐漸進化而已。

### (三) 林業

森林為呼倫貝爾富源之一。大興安嶺西麓。自黑龍江至南部交界止。袤延約一千公里。其間森林密茂。面積約佔呼倫貝爾總面積五分之一。主要樹種首推達呼爾落葉松。約佔所有樹木百分之八十。次為白黑樺松。再次為白楊木。此外北部貝斯特拉牙河流域產針葉松。興安嶺附近產少數杉木銀松。其中成材落葉松之年齡。有達百至二百年者。其高度由十三公尺至三十公尺。各種樹木中。以落葉

松用途為最廣。不僅為鐵路必需之品。且為建築上最佳之材料。尤以建造橋梁房屋船隻為最適宜。因所含樹脂較優於他樹。能抗朽腐故也。其他若榆樹。可製造傢俱。梓木可造犁耙及車輛。全境內共有林場四處。

(一) 馬爾差夫斯基公司林場。在貝斯特拉牙河流域。居興安嶺分脈之中。大宗為落葉松。所產針葉松及銀松。亦較其他林場為多。恒由貝斯特拉牙河。額爾古訥河。及黑龍江編成木筏。順流輸出。現該林場除有少數砍伐工作外。幾無營業可言。

(二) 烏爾克其罕河林場。在牙克什站東北。擁有海拉爾

河流域。其林木之豐富及一切設備。在大興安嶺西境。當首屈一指。該林場放筏河流。寬濶淵深。由牙克什站至林場賬房。有完整之鐵路。沿途並設有電話。又設專放木筏之港灣。由牙克什站至港灣。有鐵路岔道銜接。

(三) 牙多爾斯克牙林場。在海拉爾站東南。其所產樹種。與烏爾克其罕河林場相同。附近河流甚多。可供放筏之便。惟放筏之終點。即海拉爾站附近之港灣。但該港灣卸載之設備。則稍遜於牙克什站。

(四) 札克公司林場。介於烏爾克其罕河及牙多爾斯克牙兩大林場之間。居大興安嶺中心點。由鐵路線前往林場腹

地。已修有鐵路岔道兩條。惟沿鐵路兩旁。頻年濫伐產物。已遜於他處。故降至今日。所有大林。均遠在鐵路沿線四十公里以外。

今就呼倫貝爾之林產及其成林之面積言。因無精密之調查。僅就其大概述之。所敢斷言者。大興安嶺產林之富。為世界所公認。於北滿全部之經濟。有絕大之關係是也。呼倫貝爾將來移植政策。臻於發達。固足以促成建築之自增。及落葉松料需要上之連帶暴長。然產林面積。如能日漸開發。經營日漸進步。亦屬振興移植之一道也。

(三) 狩獵

在呼倫貝爾多數富源之中。獸皮亦佔有重要之地位。自黑龍江起。至呼倫貝爾南部邊界止。廣袤千有餘里之地域。俱為野獸托足之所。若猿。若狼。若犴。若權。若狍。若狐。若灰鼠。若鹿。若水獺。臭貓。黃鼠。靡不具備。其中價值較昂者。狍。獐。灰鼠。旱獺。水獺等。遞年以來。各種獸類。出產既減。東西洋之需用者。反益增廣。其價乃日益高貴。水獺一物。據近年調查。市場上數量殊不甚多。每年僅有五百張之譜。前此三四十元一張者。今則增至八十元至一百元。茲就呼倫貝爾市場上皮張之數目。列表如左。

野獸名稱

千張數

狼

八〇〇

後貝加爾之狐狸

三〇〇

蒙古種之狐狸

一〇〇〇

小狐狸

一五〇〇

獾

二〇〇

巨獾

〇・一

水獺

〇・五

臭貓

一五〇〇

黃鼠

一〇〇〇

元鼠

一〇・〇

捨獺

〇・五

旱獺

七〇〇・〇

灰鼠

三〇〇・〇

帶稿鼠

二〇・〇

涉布拿

一〇・〇

據上表所列。計呼倫貝爾境內每年所出之皮張。約可值大洋四百五十萬元。最大銷場。首推美國。次英國。如海拉爾。滿洲里。均有外國皮張公司分行。專事收買。再除獵野獸外。尚有獵及樹鷄。鷓鴣。松鷄。山鷄。野鷄。天

鵝。野鴨等類禽鳥。其利益亦殊不薄也。

(四) 漁業

呼倫貝爾高原之河流。產魚之富在昔已著。此種河流又特為當地居民所珍視。即我國各省與蒙古並沿額爾古訥河一帶之俄人。亦莫不異常羨慕。當時蒙古人嘗曰。魚類孵化。有聲震撼。湖岸飲馬者。若不加驅策。則馬畏不進矣。於此可想見其產額之富。但呼倫貝爾取締私捕。屢頒禁令。本於宗教上之迷信。實際並未能發生若何效果。關內移民。往往擇產魚湖泊。沿岸而居。俄屬哥薩克人。昔亦私往捕取。其初捕魚處所。僅貝爾湖。其後在烏爾順河。



哈勒哈河。克魯倫河。穆特那溪。大賚湖。亦相繼發見漁戶。於是捕魚之戶與捕魚之地點。遂與年俱增矣。

呼倫貝爾漁業之主要產品。有鯉魚。白鯽魚。鯪魚。望天魚。鱒魚。竹截魚。堵馬魚。海馬魚。白楊魚。小扁魚。小鯽魚。假龍胆魚。鮪魚。及蝦蟹等。其中以鯉魚。鯽魚為最著。不僅味佳。直與俄國之鯉。鯽媲美。並無絲毫腥氣。漁戶捕魚時期。分夏冬兩季。夏季所捕之魚。在未上市前。先蓄於池內。至上凍時。將凍魚運赴滿洲里站。再行分別轉輸他地。惟夏季所捕之魚。蓄於池內。為日既久。死亡甚多。經濟上殊覺損失。有著名漁業家博里索夫。主張將捕獲

之魚。即在捕獲地裝成罐頭。運往他處。既無朽腐之虞。又省蓄養之費。現已從事試驗。茲將民國十五年夏冬兩季上市魚品之漁獲總額列表如左。

捕魚所在地	十五年夏季噸數	十五年冬季噸數
烏爾順河	四九一	—
穆特那溪	一一四	—
克魯倫河	二四五	—
大賚湖	一三二	三三四
共計	九八二	三三四

各種魚類中。常以鯉魚之漁獲數量為最多。頗佔重要之位置。計由漁獲總額百分之三十。增至百分之六十。此蓋由貝爾湖多年不准捕取。自有相當之繁殖故也。至望天魚之漁獲。日見減少。則純由漁戶改用大孔網之故。在民七

以前。呼倫貝爾漁類主要暢銷場。應推俄之彼得格勒及莫斯科。今則僅行銷於東鐵各站及輸往國內而已。

漁業在呼倫貝爾區域內。佔經濟上重要位置。尤以西部札蘭諾爾至滿洲里一帶為最。該處多數人民。終年以漁為業。冬季凍魚。多由東鐵各站運哈埠銷售。查民國十六年。該處經營漁業者。竟達二千人之多焉。

#### (五) 農業

呼倫貝爾地廣人稀。往年農業。極不發達。雖區域內農業原始甚早。(唐時有人至貝爾湖。即見該處人民。從事農作)。至今仍不免為消費區域。俄人之僑居者。按照條

約。從事開墾租種。為期十二年。並許有權在承租地畝內  
從事建築。租價之規定。如額爾古訥河一帶。每俄畝每年  
盧布二元。海拉爾一帶。每俄畝每年盧布二元五角。沿車  
站一帶。每俄畝每年盧布三元。民七民九之間。俄亂劇烈  
。俄僑紛紛東來。聚墾於額爾古訥河。牙克石與免渡河一  
帶。自此以降。華人亦接踵繼其後。不數年間。耕種面積  
。日益擴充。俄僑租用地畝辦法。係先向中國官廳請發執  
照。然後從事耕種。民國十五年。經我方官廳議決。承租  
之俄僑。須歸化中國。或加入三河地方承租之中國公司充  
當僱傭。凡經許可者。方能從事農業。但沿額爾古訥河之

俄僑。迄今既未限令歸化中國。亦未認其為僱傭。惟每年僅  
 出納若干租金而已。至沿站一帶耕戶。與官廳向無書面條  
 件之訂定。僅由官廳命令村長准許耕種。收成後每畝納租  
 若干。三河地方及額爾古訥河一帶農作。均係人力為之。  
 車站一帶。間有用機器農具。四月底始種小麥。六月方種  
 蕎麥等。其各地農業種類。亦微有不同。沿車站一帶。以  
 小麥佔重要位置。其他各地。則有稈麥。玲瓏麥。大麥。  
 蕎麥。麻等。茲將各地平均產量數目。分類列表如左（以  
 噸為單位）。

糧	別	額爾古訥	烏洛夫河口	計
	車站沿	河一帶	共	
	三河地方			
	額爾古訥			
	河一帶			
	烏洛夫河口			
	共			
	計			

小	麥	九四九	九一四	三九五〇	一五七	五九七〇
裸	麥	一〇一	二四三	一三一七	五九	一七二〇
玲	瑞麥	六八	一一五	一〇二六	二六	一二三五
大	麥	二五	六七	七九〇	一〇	八九二
蕎	麥	—	一二一	六四七	九	七七七
共	計	一一四二	一四六〇	七七三〇	六二一	一〇五九四

三。

呼倫貝爾各區。農事均不甚發達。其重大原因。可列為

(一) 由移民之來此者。不甚踴躍。不如從事於狩獵漁業

者有利可圖。遂棄農業於不顧。

(三) 農具機器之需要。有供不應求之勢。民國十五年時。呼境雖出最高代價。亦不能購得之。因無巨大之農具商。小商號又復不能供給如許之數量。近年東鐵地畝處有農具借貸<sup>處</sup>之組織。沿車線一帶。均設有農具借貸分處。但各處請求借用添購者。仍有不足之虞。此蓋耕種面積與年俱增故也。

(三) 官廳對於田賦之分配。向以收成為根據。收成愈高。徵收愈多。是以農人多持觀望態度。未敢再增加耕地。基上三因。故食糧一項。除供給本地居民消費外。且有自他處運輸來者。惟近年此部各地農業。較前發達。向以

牧畜為業者。今亦大都從事農作。將來種植面積之增加。可無疑義也。

(六) 礦業

呼倫貝爾之礦產。雖全區內所在多有。然開採者。因資本及機械關係。至今仍未見發達。茲就已開採者。分列如左。

(一) 金礦 金沙之採探。在海拉爾北部吉拉林及烏洛夫河口地方。在吉拉林開採者。其初為上阿穆公司。迭因變故。忽作忽輟。近由黑龍江廣信公司開採。係就舊有淘孔採取。工人將淘出金沙。賣與礦區賬房。每一零泥克。合





洋三元。計算方法。多不給現金。以高價之貨物易之。故吉拉林金礦產者。多於其賬房內附設商號。勒令工人購備一切日用必需品。故金礦業者。對於採金尚不重要。而對於行銷貨物。反甚注意。故金礦賬房所得沙金。大都純以貨物向工人易得者。現時採金主要地域。在吉拉林河一帶。其所採沙金。近年來全年所得不過一百三十公斤。金質不良粗礦尤多。毫無統計。因多半流入盜賣者之手。無從稽考。烏洛夫河口烏馬地方。亦有廣信公司開採。成績如何。不甚明瞭。而盜採則所在多有。

呼倫貝爾金礦。除上述兩處外。尚有三河。札格達河。

威月河。貝內伊河。庫拉克世河。伊里吉甘河等處。惜遍地黃金。無人顧問。世界大資本家垂涎三尺。我主人翁放棄而不之理。惜哉。

(三) 煤礦 呼倫貝爾全區蓄煤甚富。現已開採者。僅札蘭諾爾及滿洲里兩處而已。札蘭諾爾煤礦。發見於光緒二十七年。據馬爾克舍伊礦務局調查所得。該處積存之煤。深在一百公尺。有煤九千五百萬噸。若深至二百公尺。可有煤二萬二千萬噸。其需煤最多者。為中東鐵路。滿洲里煤礦。在贛濱縣差岡烏拉地方。為褐色煤。係蒙古人所發見。礦區約佔十六方里之大。民二始著手開採。該礦現屬

廣信公司。計有礦坑二。每坑深約七十五尺。共計採額不  
過八千餘公噸。大部份係供給滿洲里地方之需用。煤質較  
札蘭諾爾為劣。

(三) 鹼 產地在距海拉爾西南一百三十公里之胡吉爾泡  
。該泡寬約一公里。長約一公里有半。由廣信公司開採。  
總計五百公斤鹼料。可出純鹼四大塊。每年可採純鹼二千  
塊。約重一百五十公噸。

(四) 鹽 採鹽與採鹼同歸廣信公司所開採。在白音諾爾  
及白音差岡湖地方。白音諾爾每年平均產五百公噸。白音  
差岡僅產二十公噸。全區收鹽工人僅百人。每日工資約一

元五角。鹽區極廣。據上阿穆爾全礦公司化驗。此處之鹽為硫酸鹽。並無碳酸及鹽素酸素之攙雜云。

(五) 水晶 大興安嶺一帶。產水晶甚多。尤以三河村之得拉果謙閣為最。其他各種礦產。若石膏。瑩石。大理石。焦炭。鐵。所在多有。惜均貨棄於地。未見有大規模之開採。此外呼倫貝爾天然富源之最足稱道者。為礦泉。礦泉之最著名者。為哈洛興哈倫阿爾善礦泉。據醫院化驗結果。水甚清透。含鐵之混合物甚多。對於黏液分泌之薄膜皮上。有最大之刺激性。可治腹疾及傷寒病。前往該泉治病者。俄人最多。蒙古人次之。

(七) 工業

呼倫貝爾自中東路修成後。該地境內漸有俄國移民來居。同時亦漸有各種技術上熟練之專門家。與精巧之工匠。地方各種生業。亦漸趨仿效歐洲方式。就工業觀之。約可分為二種。(甲)牲畜產品製造業。屠宰場。灌腸廠。洗毛廠。製牛乳油廠。皮貨靴鞋及製革所等。(乙)其他之工業。如火磨。製酒廠等。茲就甲種分別言之。

(二)屠宰場 分出口屠宰場與供給本地之屠宰場兩類。出口屠宰場。分設滿洲里與海拉爾兩處。尤以海拉爾屠宰場為最良。每月能宰牛一萬二千頭。或羊五萬頭。豬六百

隻之譜。場內設有絞殺牲畜絞轆五十架。宰豬大鍋一具。滿洲里之屠宰場。設備較海拉爾稍遜。

(二) 製腸業 民國十三年以前。此項企業完全操之布拉文洋行之手。自後專賣權撤銷。同時產生製腸工廠六處。海拉爾占有五處。其一在滿洲里。就分配言。出口者多為綿羊與山羊之羊腸。本地用者多為牛腸。民十六以後。國外需求停止。價遂一落千丈。故現時製腸事業。僅能行銷於北滿境內而已。

(三) 洗毛廠 設於海拉爾伊敏河畔。設置頗稱完備。設有水壓機二座。一用以壓製獸皮。一用以壓製獸毛。洗毛

廠與車站間。築有支線。以助運送。經該廠壓製之毛。歐美商人即可直接運赴外洋市場。無須運往他埠。另加包裝。

(四) 牛乳油業 民元至民十之時。此項製油業係由俄國哥薩克人所經營。現時全境內。共有製造牛油工廠十七家。此外尚有分廠七處。專司購集牛乳。全境專供牛乳之牛隻。總計約共八千頭。每頭母牛。每年出乳約為八二〇公觔。故呼倫貝爾每年可得牛乳六百五十萬公觔。製油數量約為二十萬公觔。消費牛乳共約四百三十八萬公觔。

(五) 製革廠靴鞋廠地氈廠製毛廠 以上均為阿苦洛夫實

業公司所經營。所費不資。在呼倫貝爾工廠中。可稱設備最完備。其特異之點。在各該工廠。純為單獨之組織。每年所出貨品。除大批發往中東鐵路東西兩路外。銷售於海拉爾哈爾濱兩處者。均設有門市。據查海拉爾門市每年之交易額。約大洋六萬元。哈爾濱約計大洋七萬五千元。以下再就乙種分別言之。

(二)火磨 呼倫貝爾製粉事業。分為二部。其一為沿車站附近區域。共有火磨四。其二為鐵路線迤北特列黑列七衣及卜黑額爾古諾等處移民聚集區域。總計呼倫貝爾各火磨中。最有實業意味者。厥為海拉爾之廣信公司。火磨發



動機為一百二十五馬力。每晝夜可製麵粉三十三噸。如能安設原動力偉大之蒸氣發動機。則其製造能力。尚能發達。此外如阿苦洛夫等火磨。規模皆不大。

(二) 製酒廠 呼倫貝爾釀酒企業。當以倭倫錯夫兄弟釀酒工廠為最優良。最初製酒原料。係以土豆為之。後因價昂。改用玉蜀黍及稷子。運銷地點為蒙古滿洲里博克圖一帶。

#### (八) 商業

呼倫貝爾商業之實權。始終操於吾國商人之手。其商業發達之最大樞紐。原於前清政府命將齊齊哈爾區域之索倫

鄂倫春等各族人民移居境内。又以海拉爾為副都統駐節之地。嗣後中東鐵路告成。其影響於呼倫貝爾商業之發達。亦為一重要原因。考其商務。約分三類。

(一) 錢款交易。行之沿車站附近地帶。

(二) 半錢款半物品交易。行於蒙古牧野蒙人。與後貝加爾哈爾哈等沿邊地帶。

(三) 物品交易。行之山林深密處之遊獵民族。

呼倫貝爾商業中心。厥為滿洲里及海拉爾兩處。近年貿易變遷。滿洲里商務日漸減退。海拉爾則日益繁盛。該兩處商店。大部分屬於吾國。考吾國商人所以能得呼倫貝爾

優厚之勢力者。因該地商會富有聯結之能力。然亦因各縣皆有商會。彼此互相提攜。聲應氣求。故其成績斐然可觀。

呼倫貝爾商品之出入孔道。由東則哈爾濱直至海參崴。在西則與後貝加爾相往來。中國與俄國交換之貨物。為布疋。茶葉。味食品。酒精。魚肉。羊毛等。俄國與中國交換之貨物。為糧食。皮貨。沙金。牛油及凍油等。茲將呼倫貝爾近年來出入口貨比例列表如左。

貨別	進		出	
	以一千美金為單位百分數	以一千美金為單位百分數	以一千美金為單位百分數	以一千美金為單位百分數
糧食	一五六五四	五四九	六六〇、六	一九一

牲畜食物	三三三、四	一一七		
燃料	四三五、八	一五二	四七六、九	一三、八
建築材料	三、四	〇、二	二八六、八	八、二
半製造物	二、九	〇、八	一七一、三	四九、三
製造物及其他	四九〇、六	一七、二	五六、七	一、六
牲畜			二七七、一	八、〇
共計	二八五〇、五	一〇〇〇、〇	三四七〇、四	一〇〇〇、〇

以上表觀之。呼倫貝爾區域之商務。出口超過進口者計六十一萬九千九百元美金。商業前途如有改善之方。其進步寧有際涯。惟森林之盜伐。礦產之盜採。以及魚類之橫

遭掠奪摧殘。不無可懼耳。

(九) 貨幣

呼倫貝爾自流行幣制迄今。不過二十五年。從前不知金錢之為用。購物恒以牛馬羊及皮張為交換品。自東鐵通車。該處之原料品。乃得漸次推銷於外國。而外國之貨物。又無法全部交換蒙古原料品。於是以生銀之流通。作購貨之媒介。此呼倫貝爾發見貨幣之濫觴也。現時呼倫貝爾之幣制。即黑龍江所通行之幣制。其所異者。西部與蘇俄接壤。南部與外蒙古各旗毗連。其行使之貨幣。不得不隨鄰疆而有變易。故全區域內。貨幣可分為銀錠。銀塊。銀幣

銅幣紙幣數種。

(二) 銀錠銀塊。以兩為單位。視輕重為衡。有吉林銀與黑龍江銀之別。吉林銀成色為九八六。黑龍江銀則為九八二。此外尚有天津銀及上海銀之分。常見者為五十兩之銀錠。其形式固定名曰元寶。與蒙古交易。純以元寶為之。其數目較小者。則代以銀子銀塊。

(三) 銀幣多為袁頭大洋。亦有小洋。惟小洋成色較大洋為低。如大洋為一百分。小洋僅合九十分。故以小洋交易者。須另定行市。此外西南部。近二

年來。發見多數外蒙古銀幣。價值略如大洋。正面寫全蒙古人民聯合國家一元字樣。背面寫純銀十八格蘭姆。該幣發行於民國十五年。中繪蒙古國徽火日月地及雙魚。

(三) 銅幣即為銅元。有一文。二文。五文。十文。二十文五種。自民國十五年起。在邊界地方又發見外蒙古銅幣一分二分及五分数種。

(四) 除以上硬幣外。有東三省官銀號。中國銀行。交通銀行。廣信公司。邊業銀行等發行之紙幣。其票額由五分起至百元止。惟僅行使於沿車站一帶

。同時海拉爾蒙古銀行。亦發行紙幣。分為一元三元五元二十五元及一百元數種。其行使範圍不廣。今幾絕跡於市。在邊界地方。尚有蘇俄發行之新幣及外蒙古所發之紙幣。此外呼倫貝爾因商業之關係。有借貸機關供給資金。故其境內所設銀行銀號錢鋪當舖甚多。主要地點為海拉爾滿洲里兩處。海拉爾有中國銀行分行。東三省官銀號分號。廣信公司分行。遠東銀行分行。蒙古銀行及中國商會銀行。錢號中最鉅者。為興盛昌及九安兩家。滿洲里站有中國分行。廣信公司分行。



遠東分行。及滿洲里商業銀行。錢號之最鉅者。為興盛昌。九安。通盛。東興昌數家。各銀行雖有中外之別。其營業方式均與歐洲同。

按呼倫貝爾經濟之狀況。實以漁獵所得。為其經濟之本源。據最近調查。每年輸出之數目。總計為三百四十七萬零四百元美金。漁獵部分占一百八十萬零四千七百九美金。實佔全額百分之五十二。可知呼倫貝爾經濟狀況之裕如矣。果能由政府方面加以指導及改良之方。則將來經濟上之進步。正未可量也。



第四章 呼倫貝爾社會狀況

(一) 衣食住行

宋小濂「額爾古納河岸野宿」詩。連天沙草落日黃。牛  
鳴馬嘯人在野。氈廬布帳須臾張。鑿炊架甑爨晚食。折蒿  
蕪火燒羔羊。抽刀割肉恣飽啖。呼倫貝爾人之游牧生活。  
髣髴活躍于紙上矣。古所謂韋韞毳帳。以禦風寒。羶肉酪  
漿。以充飢渴之景况。至今依然。

住 呼倫貝爾之普通蒙人。每限於游牧。依水草而居。  
轉徙無常。概以穹廬為棲止。此種天幕生涯。可蔽風雪。  
可防虎狼。穹廬滿洲語曰蒙古博。俗作包誤。博大小不一

。惟皆作圓形。通常高度在十尺至十五尺之間。其構造法係就地劃直徑丈餘之圓圈。周圍排立木柱。柱間用木棍縱橫組織。柱上端架木為樑。成一傘形之屋。全部包圍毛氈數層。以馬尾繩縛之。頂中留天窗。以繩繫氈。得自由啓閉。藉以通空氣。透日光。出烟燭。博之南設門。高三尺五寸。裝小扉。垂氈簾。以便出入。門內左右。分置水缸木柴。中設爐具。周圍藉草。加以氈或皮。家人婦孺同寢處焉。人口多而富者。或分居數博。博之張拆。皆甚便利。而張博之事。女子任之。須臾即就。行旅投宿。無見拒者。

鄂倫春人習居山中。其廬帳以桦皮為之。冬季復於桦皮之上。加蓋獸皮。此種廬帳普通名曰窩鋪。

食 蒙人飲食。以炒米牛羊肉牛羊乳為普通用品。而最普通者為羊肉。取炒米和牛乳白糖。沸水沖食。日食一次。可終日不飢。宰割牲畜。惟食其肉。以五臟與血穢且毒。盡棄擲之。經火煮製而成者。有乳皮牛酪兩宗為最貴重。而奶豆腐及乾肉。則以便於攜帶故。多儲藏為冬季食品。至魚鳥米麵蔬菜。均非必需食物。飲料有乳酒。奶子茶。磚茶。紅茶。食器率用木碗。宴客以全羊席為上。其視酪漿羶肉。如甘旨焉。

衣 蒙人衣服。多用染色之布。冬著不上面之羊皮袍。袖長幅闊。腰皆束帶。帶以綢為之。類用黃紫綠三色。帽之形平扁。以毡為之。緣反摺而上。亦有綢面尖形者。附以皮耳。頂綴紅纓一撮。而圓形綴面飾以金邊之便帽。尤喜冠之。履概用革靴。高勒。底薄而寬。有尖頭齊頭兩種。女子穿耳墜環。編髮為一辮或雙辮垂背。嫁則束為髻。首飾率用金或銀。惟居深山之蒙人。猶獵獸衣皮。如鄂倫春人所穿之衣服。大都用堪達罕鹿皮縫成。

行 蒙人之住食衣。已略如上述。至蒙人之行。駝馬而外。有達呼爾所製之一種輕輜車。又名輕輜車。亦曰大轂輪。

車。以牛曳之而行。其富者之車。則上覆木棚。蔽以蘆席。或內氈外布。或專用樺皮。不駕牛而駕馬。此外尚有俄國式之馬車。前後大小四輪。以膠皮或鐵為之。駕以雙馬。其行較速。河渡則有舫航。札哈兩種。舫航為獨木船。長二丈餘。寬僅容膝。頭尖尾銳。可聯二三為一。以濟車馬。札哈較舫航為小。而輕捷過之。又有以樺皮製舟者。為鄂倫春人之利涉品。而冬日行雪地河冰上。更有所謂冰撬其物。俗稱把犁。滿洲語曰法喇。式如冰床。屈木為輶。駕以二馬。輕疾如飛。舊日尚有駕狗者。即元時蒲與路之狗車。所謂使犬部是也。

(三) 婚嫁喪葬祭祀

婚嫁 蒙人婚嫁。重媒妁。而以父母主婚。間有自由結婚者。門戶相當人家。大率由媒妁介紹。雙方同意後。女家先訪男家。於是男家携贈品回訪。又合意。則訂立婚約。聘禮富者或兼用錦帛銀兩。普通為牲畜。其多寡視貧富為差。婚期之前。先由媒妁與男家戚友致禮物於女家。是為納采。次由喇嘛定合巹期。及期行親迎禮。婿乘馬負矢。抵女家。故聞門不納。雙方互以吉利語相應答。始延入設席。宴婚以後。女背面端坐。姨姑姊妹。圍坐四周。婿向女背跪問女名。女故不答。久之由陪坐者語之。謂之討小



名。是夜婚宿女家。翌晨。女乘馬繞宅三週。隨男去。當其啓行時。喇嘛沿途誦經。至婿門。閉門問答如前狀。啓門後。隨行婚禮。院中置木棹。上設弧矢羊骨。或置一全羊。旁設火盆。夫婦同向跪拜。次見翁姑。拜佛像火竈及尊長。答親友禮。喇嘛誦經。佐以樂器。禮既畢。設宴款客。婚禮告成矣。

鄂倫春族女子出嫁。必由男子求婚。求婚者偕其父母前赴女家。徵求女父母同意。如得允許。則再訂日期。商酌婚嫁之一切手續。至日新郎赴會。餽酒肉與女家。富家並餽贈其他各種禮物。然後始擇吉日成婚。

當行婚禮之前。男女兩家邀請一切親友。屆結婚之日。一律赴男家與會。女由其父沿途護送。而新郎之父。亦遠出迎接。自迎接地點起。一路步行唱歌而前。途次新郎之父與新娘之父。以及新郎新娘。均各挽手同行。抵窩鋪時。須先沿窩鋪前後。繞行數匝。始進帳內。隨將帳外堆積之薪。舉火燃燒。至所有親屬。一聞歌聲。即走避林中。其遠近以不見男家窩鋪為止。至不聞歌聲望見濃烟時。始各奔回。致禮申賀。於是來賓圍薪而坐。男家設宴款待。婚禮至是遂亦告成矣。

蒙人之性道德去吾人之理想甚遠。郭道甫謂婚姻大體是

一夫多妻制或一妻多夫制。一妻多夫云者。非同時嫁於多數之夫。因其可以自由離婚。並不守貞潔者多。再嫁三嫁。如司空見慣。(註一)郭氏為呼倫貝爾蒙籍人。其言似可信也。

喪葬 喪禮極為簡單。無靈床。無供獻。不穿孝服。不用音樂。無芻靈紙箔之消耗。惟無貧富貴賤。均延喇嘛誦經。其葬法舊有天葬火葬之習。近亦有如漢人土葬者。所謂天葬。係於人死後。載尸於車。或置於駝馬之背。振策疾馳。以尸墜處為葬地。供鳥獸食。過三日往視。尸亡則以為已升天。倘猶存在。則以為死者之罪惡未消。即請喇嘛

誦經懺悔。必至尸滅而後已。至於火葬。多因婦女癆病或產病死者。概以火焚其尸。至王公大家。則又以尸塗黃油。纏以白布。投之烈火。拾其灰燼。粘麥粉製作餅形。送入大喇嘛廟之寶塔。以為光榮。

鄂倫春人之葬禮。多以死者填於樹洞以內。或埋於深林之中。年老死者多有遺囑。子女須向親友宣讀。至雅庫特人。則通行土葬。故墓上置十字架。從西方風也。

祭祀。蒙人重祭祀。迷信宇宙間自然之現象。皆有神為之主宰。故於陰曆正月八日祭星星。其普通心理。多以佛為最高無上之主宰。家家供佛像。置爐焚香以為常。而其崇

祀鄂博。列為重典。凡各旗鄂博。歲於五月或七月。由各旗致祀。合祀鄂博在海拉爾河北山上。每三年舉行大祭一次。以五月為祭期。祭時喇嘛誦經。鼓鈸競作。先繞鄂博三周。且繞且誦。官民隨之。三周既畢。舉火燒柴堆。以香火投之。再向鄂博行跪拜禮。祀事告終後。一般人民赴場競藝。作馳馬角力種種比賽。至祭祖一節。因多數天葬。無墓祭之可言。故均不祀祖先。近間有從漢俗。行土葬。舉行墓祭者。其祭期為百日週年清明等日。祭時仍必延請喇嘛誦經。為亡者懺悔焉。

(三) 宗教

呼倫貝爾之宗教。可分兩方面觀察。如新巴爾虎部及額魯德部信奉喇嘛教。而索倫部。達呼爾部及陳巴爾虎部。則信奉薩滿教。此兩教原始及制度內容。分述如左。

喇嘛教 有紅黃兩教之分。均為佛教之支派。新巴爾虎額魯德兩部。本其固有之黃教信仰。准其部人披剃為喇嘛。並免其當兵充役之義務。其法令生男二人。其一必為喇嘛。三四男者。一人或二人出家任便。至於新舊布萊雅兩部。亦皆崇奉喇嘛教。

喇嘛教所有制度。由前清政府規定。每翼建喇嘛廟一所。設西勒圖喇嘛一人。達喇嘛。德木齊喇嘛。格斯魁喇嘛。

。恩只德喇嘛。索勒喇嘛各四人。凡此皆為有品級之喇嘛。有品級喇嘛之下。每廟設格依格喇嘛二十四人。此外則為普通喇嘛。其數目無定額。

喇嘛廟於每年廟會九日之外。並無他項開會傳教等舉。故需費甚少。惟各廟皆有公產。即所謂牛羊扎薩。以供每年廟會之用。

廟會為呼倫貝爾各部人民之最要禮節。皆以九日為期。由第一日起。眾喇嘛每日在廟誦頌奏樂。至第七日為祭祀鄂博之日。第八日為焚棄索勒（註三）之日。第九日為麥德爾佛繞廟之日。麥德爾佛即所謂彌勒佛。蒙人以為今日果能

禮拜其像。則來世即可託生其國而享大福矣。

呼倫貝爾全境。喇嘛人數約有三千餘人。所有喇嘛概不娶妻。除每年會期赴廟諷唄外。大抵均隨其父母兄弟營游牧生活。而人民之信仰喇嘛。必虔必誠。殆視如第二生命馬。

薩滿教 亦稱黑教。一作巫教。索倫。達呼爾。陳巴爾虎。及鄂倫春數族。皆奉是教。其派別有二。一為本族人氏之薩滿。即每一氏族。均有其本族之薩滿。凡某族氏中人民之疾病禍災。皆與彼有密切之關係。一為非族氏之薩滿。即所謂狐仙或鬼魂等所成之薩滿。凡信仰其神靈者。



無論其為何種氏族。亦皆與彼有密切之關係云。

惟薩滿教無寺廟。無經典。祇相信有一種神靈。擇一相當之人。為其使者。時常降附其心。藉以傳達鬼神消息。

而命其使者。以治人民之各種疾病。人民即稱此項使者為

薩滿。凡薩滿帽上均有二銅角。如鹿角然。上懸彩綬。向

後垂之。如披髮然。衣前面繫小銅鏡小銅鈴各六十。衣背

中懸大銅鏡一。並以四中銅鏡附之。其下繫錦繡條裙。如

垂尾然。並一手執單面鼓。一手執鼓錘。口唱呼神歌。且

擊且唱。唱畢先進退跳舞數次。再環繞於舞數次。倏忽間僵仆於地。俄傾又

蘇。此時神靈已降附其心。遂由邀請者叩問疾病原因及如

何救治方法。俗所謂跳神。即此是也。

天主教 後貝加爾布萊雅及通古斯人。多數信奉希臘正教。即天主教。但亦有崇拜薩滿者。扎薩克圖人則多為天主教徒。建有教堂。喜喪等事。皆在教堂中行之。孩童生後。亦多抱往教堂受洗禮。人死則在坟上置十字架。並仍用俄國語言文字云。

(四) 神話與迷信

呼倫貝爾最著之古蹟。為鐵木哥幹赤斤所築之城。現時呼倫貝爾民間。尚流傳一種神話。謂該內外二城(註三)之建。係幹赤斤因其公主畏懼日光。遂築此為遮蔽日光之用。

據云當公主誕生時。延請喇嘛誦經祝福。喇嘛以為公主身犯日光之厄。應設法使終身避忌。方能延年獲福。於是幹赤斤即興工築城二重。至今猶有遺跡可尋。

呼倫貝爾最著之湖。曰呼倫湖。湖遇風起。潮浪鼓蕩。水溢數丈。潮退如初。故馬飲湖水。不深入。頭必向岸。似防潮來。易於趨避。湖中產魚甚豐。人不敢捕。因神話中向有魚為馬魂之說。捕魚為蒙人禁忌之一云。

鄂倫春人諺語。有謂金杯給自己。酒底則敬神。蓋其在飲酒之時。先將右手大指浸濕。然後入口。飲畢所剩酒底例須潑向神像。否則信以為大不敬。

呼倫貝爾西南部有溫泉。可以治療各種鋼疾。因此蒙人  
間有一種神話。謂此溫泉所在之地。昔為貴人行獵之所。  
某年。某帝巡狩於此。一無所得。所獵傷者僅一母羊。然  
亦旋即逸去。留有血跡在途而已。帝怒。下令將羊覓回。  
遂遣人循母羊血跡。追尋良久。卒至一溫泉。見血跡全泯。  
不復能踵跡往尋羊。歸報之帝。謂此泉之水。已將羊之  
傷治愈。羊已不知適往何所矣。帝聞之。愈怒。取槍擊傷  
歸報者之腿而言曰。母羊之傷。汝既稱為泉水治愈。汝亦  
應往試之。言畢揮之使去。事隔數日。帝派侍從往探究竟。  
不期此人果已大痊。與之偕歸。帝遂驚訝。疑有神意。

當於附近山岡之上。修建一廟。奉祀其神。並令將所有泉之四周。圍以石。准一切病人沐浴。不取分文云。

又一說某帝病篤。已不省人事。喇嘛將帝抱入溫泉就浴。轉瞬即恢復知覺。再就溫泉沐浴數日。病象逐漸減輕。卒之完全告痊。風聲所播。舉國咸知。自是以降。病者之赴泉就浴者。成千累萬。目為冥冥中有神保佑焉。

至今赴泉所沐浴者。其第一日須先向泉水祈禱。再將所持米粒或麵粉。逐一擲於各俗池內。以冀神麻。以後沐浴時。皆須先向神柱屈膝。高聲祈禱。求病速痊。祈禱完畢。然後脫衣躍入池中。復以兩手作勢。朗讀禱文。喇嘛並


規定日落之後禁止往浴。其理由為天黑時所有泉所一帶神蛇。均集於浴池飲水。舉凡病人洗用之污水。皆由群蛇飲盡之云云。

(五) 教育

呼倫貝爾習俗榛狃。聲教自昔未被。光緒三年（公元一八七七年）。達呼爾部始設私塾於南屯。教授本部子弟十餘人以漢滿文字。是為蒙人學漢文之始。光緒八年。呼倫貝爾副都統公署建文廟。附校舍二所。設學官一人。其教科分識字習字練弓箭三課。至光緒末年。宋小濂創立兩等小學校。並派送學生。分別升入黑龍江省中學及滿蒙師範

學校。

民國初元。蒙旗宣布自治。恢復舊制官學。廢從前所設之學校。迄民國七年春。郭道甫教民泰等辦學。假副都統署為學舍。八年春。由副都統署認為蒙旗官立學校。任郭道甫為校長。撥副都統署西院為校舍。其後郭道甫復創立墨和爾圖屯女學。蒙人教育。至是始具端倪。其他如呼倫。臚濱。室韋。奇乾四縣。現皆設有小學校。教育已漸臻發達矣。





註一——見郭道甫所著「為蒙古代禱文」。

註二——索勒係用麪粉捏成支以鼎足形之骷髏。據喇嘛云可以鎮壓邪氣。

註三——參閱第一章第八項古蹟門。



第五章 呼倫貝爾之前途

(一) 呼倫貝爾問題之意義

民國十八年呼倫貝爾第二次獨立運動中之中心人物郭道甫。曾於是年九月敬日通電說明呼倫貝爾一區。在滿清時代雖為八旗制度。而實際上確有自治部落之基礎。迨至光緒末葉。改黑龍江為行省。呼倫貝爾亦改道制。而蒙旗制度雖未變更。惟因蒙人語言文字風俗習慣。與漢人諸多隔闕。其結果引起蒙漢兩族之惡感。適國體變更。遂激成呼倫貝爾之一時獨立。與黑龍江完全脫離關係。依附於外蒙古。嗣於民國四年恰克圖中俄蒙三方會議之結果。承認呼

倫貝爾為特別自治區。予蒙人以完全自治之權利。民國九年取消恰克圖呼倫貝爾自治條件。縮小其範圍。而成今日之半自治。(註二)

郭道甫暨呼倫貝爾青年黨。皆不以半自治為滿足。欲實現完全之自治。因之進行獨立運動。如由此獨立之意義言之。則呼倫貝爾問題。一言以蔽之。一民族自決問題耳。然其內容殊不若是之簡單。觀郭道甫之言曰。一般蒙旗當局(按即指副都統衙門)。都是官僚階級。不僅沒有政治常識和世界眼光。甚至連保境安民的觀念也沒有。他們惟一的信仰是滿清皇帝的復活。所以他們一味的保存滿清的

制度。並竭力推行滿清種種腐敗流毒。因此呼倫貝爾一區。雖然樹着獨立自治的旗幟。但是實際上都向着自然淘汰和自取滅亡的道路上走去。(註二)故呼倫貝爾青年黨所要求之自治。其前提在顛覆蒙旗今日之統治階級副都統衙門。由青年黨自行執政。然後呼倫貝爾庶幾不致自然淘汰或自取滅亡。其弦外之音。固作如是想也。郭道甫又言。呼倫貝爾的北方。有斯拉夫民族的侵畧。東方又來日本帝國主義的陰謀。都視巴爾虎民族為俎上之肉。(註三)因此青年黨不得不起而圖自強。由是以觀。呼倫貝爾問題之意義。在政治上為蒙旗青年對吾國要求獨立與自治之民族鬥爭。同時

又為反對部落封建制度對抗副都統衙門之階級鬥爭。至於國際關係上。俄國之政治與經濟的侵畧。與夫日本之虎視眈眈。祇能促進其革命之動機。其革命之目標並非日俄兩國。我可以斷言。矧事實之昭示於吾人者。青年黨藉聯俄以自重。甚至卑躬屈膝於赤軍之前。奉行其呼倫貝爾蘇維埃化之命令。此所以我對呼倫貝爾之前途。不能無言。

(二) 呼倫貝爾對中國之關係

吾國之與呼倫貝爾。有悠久之歷史淵源。(註四)歸入吾國版圖。可謂毫無疑問。清雍正時。採取游牧備兵主義。(註五)移蒙旗實邊。今日呼倫貝爾之蒙旗。皆當時自布特哈。

阿爾泰。車臣汗等處移去者。於是設副都統專員。在未設副都統之先。一望荒涼。幾同無人之境。時其地歸黑龍江將軍管轄。有察邊之制。即於中俄分界處。每歲以五六月為期。派齊齊哈爾。墨爾根。黑龍江協領各一員。佐領。驍騎校各二員。共兵二千四百名。分三路至格爾畢齊。額爾古訥。莫里勒克。楚爾海圖各河。巡視有無牧痕。以防侵越碑界。至雍正十年。始撥兵丁分牧駐防。但係採用旗制。情形與外蒙古迥不相同。蓋旗制係駐防性質。土地屬於國家。各旗兵丁。皆由官庫發給錢糧牲畜。至外蒙古則為藩屬。土地歸其所有。故中國對呼倫貝爾之關係。與其

對、外、蒙、古、之、關、係、。不、能、相、提、並、論、。

呼倫貝爾與外蒙古之界限甚嚴。清設副都統後。在其與喀爾喀部車臣汗交界處。先後設十九卡。每二卡。官一員。兵十名。日夜防守。每月一換。此所以事實上呼倫貝爾自呼倫貝爾。外蒙古自外蒙古。不能以其民族相同。而遂謂其地亦相同也。

宣統初年。呼倫貝爾改設民治。分設府廳局。與內地無異。先一年。即光緒三十四年。(註六)設立邊墾總局。辦理呼倫貝爾全境墾務。並招內地農戶前往。自民國九年收復呼倫貝爾。又改設縣治。在吾國行政系統之下。已非一朝



一夕之事矣。

惟是我國對於呼倫貝爾。重安撫而不重鎮壓。收復之後。副都統衙門仍許其存在。今日直接統治蒙旗者。事實上仍為前清所設之副都統。郭道甫所謂半自治。殆即指此而言。對此半自治之名。又誰曰不宜。

(三) 蘇維埃化之不可能

呼倫貝爾過去三次之獨立運動。無不與外蒙有關。亦無不與俄國有關。第一次獨立運動之以俄國奧援作背景。已信而有徵。後且尊奉外蒙之哲布尊丹巴可汗為皇帝。以呼倫貝爾屬於外蒙古而受其保護。然則為外蒙古之奧援者誰

乎。

郭道甫謂最近外蒙古與呼倫貝爾的問題。不管他是獨立和自治。都有俄國做他們的後援。早先俄國在帝制時代是這樣的。到現在蘇維埃時代還是這樣的。(註七) 又謂自從俄國蘇維埃政府成立以來。對於外蒙古的態度。是在精神上及物質上與以援助。造成獨立國家的基礎。對於呼倫貝爾。則取政治上文化上解放的態度。造成自治社會的基礎。

(註八) 又謂蘇俄在莫斯科設有東方勞動共產大學。在這個大學裡面。有外蒙內蒙和呼倫貝爾的青年們。蘇俄政府之注意呼倫貝爾。實在是不容諱言的。(註九)

俄國十月革命後。其東方政策在促成弱小民族革命。而從中漁利。十餘年來。本此目的邁進。未嘗或渝。以外蒙古之蘇維埃化。不足以償其大欲。復進一步在呼倫貝爾。秘密進行其蘇維埃化運動。於是在第三國際之指導與援助之下。誕生呼倫貝爾青年黨。其後青年黨又得第三國際之指導與援助。爆發第二次獨立運動。其後更在蘇聯赤軍直接卵翼之下。發生在海拉爾組織蘇維埃政府之事實。至今青年黨之中央黨部。設在外蒙古之首都。而外蒙古則識者咸知其為蘇聯所卵翼者也。

或問。呼倫貝爾果能蘇維埃化否乎。果能步外蒙古之後

塵否乎。我皆知其不能也。何以言之。其理由實甚簡單。緣呼倫貝爾政治上尚在半封建時代。經濟上停滯在游牧生活之階段。人民思想上所表現者。為服從與保守。不脫帝王時代之意識形態。與共產主義如風馬牛之不相及。即欲求其如外蒙古政治形式上之蘇維埃化。但以其地理上歷史上政治上與中國結有不解緣。藉令可能。亦不能如外蒙古之易易。矧青年黨為少數中之少數之結合。前途不克大有為。加以今日蒙旗中之統治階級。反對蘇維埃化運動甚力。第三國際之蘇維埃化夢想。恐終為泡影而已矣。至於青年黨之冒險嘗試。則徒見其不自量耳。

(四) 呼倫貝爾之前途

郭道甫為呼倫貝爾蒙旗中最進步之人物。其言曰。呼倫貝爾人民所需要的。僅僅是有限度的自治和民治條件。並不是想要脫離中國。(詳上)此誠出於肺腑之言。假定呼倫貝爾一旦脫離中國。無奈其本身獨立之條件尚未具備。勢必至於為外蒙古之藩屬。第一次獨立之殷鑒不遠。同時因其民族性好勇鬥狠。內部不易相安。亦勢必至於互為征戰。如民國六年之役。其一例也。


郭道甫所謂有限度的自治。蒙旗始終保持勿替。統治蒙旗者。即為蒙旗之副都統衙門。副都統實儼然一諸侯也。

司法權。兵權。財政權。皆集於其一人之身。所謂今日之半自治與當年之自治。我以為不過五十步與百步之差耳。然則呼倫貝爾之前途。如之何而後可。猶憶民國九年一月。呼倫貝爾蒙旗內向。取消特別區域。越四月。為夏曆三月十五日。召集全旗大會。時東三省巡閱使張作霖。發表呼倫貝爾召集全旗大會訓詞。其中云。一宜保衛地方。二宜講求牧畜。三宜推廣教育。四宜振興實業。凡此四端。皆屬呼倫貝爾切要之圖。尤為今日當務之急。乃關心呼倫貝爾問題之人所不應忽視者也。

宋小濂為吾國過去最關心呼倫貝爾問題之一人。在呼倫

貝爾兵備道任內。曾上籌邊條陳。語多中肯。故作者於本書之終。樂於以宋之「將去呼倫貝爾留別司局諸僚屬」詩作結。宋詩云。

蒙旗重游牧。生計實在茲。可能致蕃息。比戶無凍饑。  
其次在弭盜。保衛固安綏。可能制虜賊。無敢越雷池。  
邊蒙俗儂野。教育良所宜。可能謀普及。絃誦遍荒陲。  
尚武本舊習。此風今已衰。可能振頹靡。還我軍人資。  
四者皆要政。愧未竟厥施。





註一——庸報乃一通信。題為「呼倫貝爾之政治組織」。

註二——郭道甫著「呼倫貝爾問題」。

註三——同見郭著「呼倫貝爾問題」。

註四——可參閱本書第二章第一項「清以前之呼倫貝

爾」。

註五——用宋小濂語。語見宋著「籌邊條陳」。

註六——即西元一九〇八年。

註七——見郭道甫著「呼倫貝爾問題」。

註八——全右。

註九——今右。

註十——今右。

附錄一

呼倫貝爾全境疆域方里表 (註一)

方向	界至地點	接界地名	距倫城里數	全境道里		
				東西寬	南北長	面積
東	興安嶺伊勒克特山	布特哈	三八〇里	里	里	〇里
南	索岳爾濟山	喀爾喀車臣汗部右翼前旗鎮國公	六八〇里	〇	〇	五
西	墨爾根哈瑪爾山胡爾海圖卡倫	喀爾喀車臣汗部中前旗扎薩克固山貝子	五七〇里	六	〇	七
北	巴彥魯克卡倫額爾古納河中流	俄國扎拜嘎爾省 (註三) 俄屯	六三〇里	〇	二	八
東南	內興安嶺綽爾河源	布特哈	四二〇里	一	一	七
東北	額爾古納河口	黑河道漠河縣界額爾古納河與黑龍江匯流處	一五〇〇里			二
西南	西林呼都克卡倫	喀爾喀車臣汗部中右旗扎薩克多羅郡王	三二〇里			一

西北 塔爾巴幹達呼山

俄國北拜嘎爾省（註二）

四五〇里

註一——此表為督辦呼倫貝爾善後事宜公署所編製。

時約在民國十一年。刊「呼倫貝爾志略」頁三十

一。原註云。按呼倫貝爾區域。南廣北狹。為表  
長形。統四周道里計之。截長補短。得方里如表  
列之數。

註二——札拜嘎爾省。一譯後貝加爾省。

附錄二

呼倫貝爾境內中俄陸路國界鄂博表 (註一)

名 事 別	方 向	地	點 設 立 年 月	號 數	附 記
塔爾巴幹 達呼山	倫境西北	塔爾巴幹達呼山向 北草地上	雍正五年 (註二)	五八	塔爾巴幹蒙語旱欄也達呼斗 蓬也以山形似之故名
察罕教拉	倫境西北	察罕教拉向北貼近 於沙羅嶺上	雍正五年	五九	山名蒙語白色為察罕山為 教拉
塔奔托羅海	倫境西北	塔奔托羅海向北貼 近托羅海嶺	雍正五年	六〇	塔奔蒙語五色也托羅海山 頂也山有五頂故名
蘇克特依 額爾瓜里 托羅海	倫境西北	蘇克特依向北附近 嶺上 額爾瓜里托羅海向北 附近之最高處	雍正五年	六一	山名一作索克圖
阿巴該圖	倫境西北	額爾古勒河西岸正對 海拉爾河中間在阿巴 該圖嶺之西處	雍正五年	六二	山名一作阿巴該依圖解見 卡倫

說明

按古無所謂鄂博之稱。清會典載。游牧交界之所。無山河為誌者。疊石為誌。謂之鄂博。蓋即封堆之說。土人又謂為敖包。乃一音之轉。呼倫貝爾西北隣俄。分劃國界。設立鄂博。自雍正五年(註三)恰克圖條約始。查當日東路鄂博全案。由布爾古特依山南巴彥梁起。向東至阿巴該圖。共設六十三處。屬於呼倫貝爾邊界者凡六。則其終止之點也。

按恰克圖條約第三條載。自察罕教拉卡倫之封堆。至額爾古訥河岸蒙古卡倫之封堆以外。兩國派人驗明安

議控立封堆為界。是為呼倫貝爾設有國界鄂博之證。  
查舊有鄂博。每處各設兩箇。年久備弛。悉為俄人殘  
毀。迄今基址多已模糊。然其地點名稱。界點號數。  
存於政府案檔。猶可考證。至表列方向號數。係由西  
向東計算云。

註一——此表為督辦呼倫貝爾善後事宜公署所編製。

刊於《呼倫貝爾志略》頁四十六。

註二——雍正五年即西曆紀元後一七二七年。



附錄三

呼倫貝爾沿邊國界卡倫沿革表 (註二)

音	義	設置		距呼倫城及 各卡里數	對岸	現在存廢
		年代	復設			
塔爾巴幹 達呼山	塔爾巴幹、蒙語旱欄也、達呼、斗蓬也、以山形似之故名、	光緒三十 四年(註三)	第一次	四百五十里	俄	廢
察汗 教拉	蒙語白為察罕山為 教拉、譯作白山、	雍正五 年(註三)	光緒三十 三年(註四)	距上卡六 十里	沙爾松	廢
阿巴該圖	山名	雍正五 年	光緒三十 三年	距上卡七 十里	阿巴該圖	存
孟克西里	孟克、為名、西里、土 阜之意、	雍正五 年	光緒三十 三年	距上卡九 十里	開拉蘇台	存
額爾得尼 托羅輝	蒙語額爾得尼、多寶 貝也、托羅輝、山也、	雍正五 年	光緒三十 三年	距上卡七 十里	都埽	存
庫克多博	蒙語、意即青嶺也、	雍正五 年	光緒三十 三年	距上卡七 十里	司大列矣 相曹圖	存

巴圖爾和碩	和碩山之角也	雍正五年	光緒三十三年	民國九年	距上卡五里	擲維矣粗 魯日海圖	存
蘇克特依	山名	雍正五年	光緒三十三年	民國九年	距上卡六里		廢
巴雅斯胡郎圖溫都爾	蒙語巴雅斯當也胡郎圖紅也溫都爾	雍正五年	光緒三十三年	民國九年 (註五)	距上卡五里	雜勒闊夫	存
爾	高峻之謂						
胡裕爾和奇	地名	雍正五年	光緒三十三年	民國九年	距上卡四里	布拉	存
巴彥魯克	蒙語富足之意	雍正五年	光緒三十三年	民國九年	距上卡四里	別勒維矣 布得雷	存
西伯勒布拉克	泉名	雍正五年			距上卡六里		廢
珠爾特依	蒙語有魔子也	雍正五年	光緒三十三年	民國九年	距上卡四里	浴羅布其	存
莫里勒克	河名	光緒十年 (註六)		民國九年	距上卡一百零五里	一勾缶	存
畢拉爾河	河名	光緒三十四年		民國九年	距上卡五里	西連音	存

牛爾河	河名	光緒十年	民國九年	距上卡一百十里	巴西洛夫	存
珠爾干河	河名	光緒三十四年	民國九年	距上卡七十	烏西洛夫	民國十二年十一月奇乾縣治遷設珠爾干河珠卡則移至奇雅河
溫河	河名	光緒三十四年	民國九年	距上卡九十	葛其牙	存
長甸		光緒三十四年	民國九年	距上卡九十	魯畢	存
伊穆河	河名	光緒三十四年	民國九年	距上卡九十	烏留畢	存
奇雅河	河名	光緒三十四年	民國九年	距上卡一百里	穆赤幹	原卡倫併歸伊穆河十二年十一月復以珠爾干河卡倫移此
永安山		光緒三十四年	民國九年	距上卡一百里	一大查其	存
額勒和		光緒三十四年	民國九年	距上卡七十	司大了克	存
哈達	蒙古語平安嶺也	光緒十年	民國九年	距上卡七十		

說明

按卡倫為古區脫遺制。區脫。土室也。胡兒所居邊境。以更番候望。滿語謂之喀倫。俗稱卡路。闕隘設兵瞭望之所也。呼倫貝爾地處三邊。當水陸要塞。自清雍正時與俄分界築立鄂博後。沿邊三面並設卡倫。觀右表所列卡倫。雍正五年為十有二卡。此係最初所設之卡倫。至光緒十年。下游增設五卡倫。不幸光緒二十六年(註七)俄兵來犯。卡倫盡毀。至光緒三十三年。重設十一卡倫。三十四年增為二十一卡倫。宣統三年。蒙旗宣布自治。於是卡倫再廢。時僅存有奇永額三卡倫。於民國元年劃

歸黑河道節制。民國九年。呼倫貝爾來歸。隨將三卡倫  
畫回。復重設今之十八卡倫。至表中所列相距里數均由  
西向東計算。是不可以不知。

註一——此表為督辦呼倫貝爾善後事宜公署所編製。

註二——光緒三十四年即西元一九〇八年。

註三——雍正五年即西元一七二七年。

註四——光緒三十三年即西元一九〇七年。

註五——民國九年即西元一九一六年。

註六——光緒十年即西元一八八四年。

註七——指一九〇〇年庚子拳亂。俄國出兵霸佔東三

省。呼倫貝爾首當其衝。為哥薩克鐵蹄所蹂躪。

卡倫盡為所毀。

附錄四

呼倫貝爾紀事

宋小濂(註一)

興安嶺西北斗北。臚胸河外渺無極。黃沙滿地雪滿天。

胡兒三萬服威德。憶昔國家全盛時。約束異類隨鞭筆。河

上誓碑界已定(註二)。山頭鄂博石難移(註三)。此疆彼域各嚴

守。誰敢試越鴻溝走。一草一木戴兵威。碧眼赤髯皆縮手

。牛羊遍野駝馬鳴。千廬萬落騰歡聲。沐日浴月二百載。

四境從無烽燧驚。世界風雲變倏忽。約書一紙來羅刹(註四)

。毀垣入戶建飛輶。穴山跨江通修輶。藩籬自撤墮國防。

黃中兆禍虜騎猖(註五)。憑陵蹴踏等螻蟻。八年俯首飽豺狼(註六)

六。即今亂定脫刀匕。電蛇笑看颺輪駛。部落星居自曉昏。  
。山川甌脫誰疆理。我武生愧李將軍。我才遠遜趙翁孫。  
巖疆權鎮作都護。籌防拮据營邊屯。千五百里渺人迹。山  
高谿深岩如壁。陸無道路水無舟。到此仰天長太息。仰天  
太息空疑猶。何如且為尺寸謀。裹糧分道據天險。開榛闢  
莽勤綢繆。營巢漸見初基植。河干遍樹黃龍幟。鄰族驚呼  
吉代來(註七)。官民相誠無妄肆。回頭切切語我蒙。尚武勿  
忘先代風。有馬可騎羊可食。同仇同憤圖邊功。魯揚揮戈  
日為返。補牢莫恨亡羊晚。吁嗟乎。亡羊補牢雖已晚。餘  
羊尚在庶幾免。



註一——宋小濂。字友梅。清末任呼倫貝爾副都統。  
著有「呼倫貝爾邊務調查報告」。

註二——康熙二十八年。與俄羅斯締結尼布楚條約。  
在額爾古納河立界碑。

註三——陸路分界封堆。以石為之。蒙古語謂之鄂博。  
。至今尚存。

註四——光緒丙申（一八九六年）。與俄羅斯訂中東  
鐵路之約。

註五——庚子拳民起事。俄兵藉口入據呼倫貝爾。

註六——自庚子（一九〇〇年）之變。俄兵入據呼倫

貝爾。至丁未（一九〇七年）始撤。

註七——俄人呼華人為吉代斯基。斯基為語尾。

附錄五

呼倫貝爾懷古


張家璠（註二）

民國十年歲辛酉。我拋青氈漠北走。到此庫楞布雨爾。  
曠懷興廢幻雲狗。遠眺峻嶺內興安。索岳爾濟亦不朽。額  
爾古訥一水環。兩大湖澤分左右。如斯形勝壯三邊。山河  
表裡信天然。更嚴俄疆與略界。數十堡障相勾連。胡為羅  
刹竟深入。乾淨土徧染腥羶。黃髮碧瞳猙獰異。輞輞格磔  
語難詮。憶昔黃帝封城廣。大鮮卑山闔榛莽。傳至拓拔徙  
而南。烏洛侯來據茲壤。失韋八部跨烏江。契丹角逐稱雄  
長。兀朮長城斷若連。而今憑吊意惘惘。蒙兀滅俄湯沃雪

。暫種猶言黃禍烈。帖尼河畔陣雲深。札木合帝終撲滅。  
根河闊濶考遺踪。烈祖諸子封土裂。明定塞北準擾清。飲  
馬捕魚幾流血。曼殊崛起土宇寬。泥撲處屬茂明安。奈何  
一日甘割讓。額沛古涅界汎濶。瑗瑛北京兩續約。讀之令  
人心倍寒。金甌自是痛殘缺。斯拉夫族任盤桓。加以汽轂  
貫西東。挾藩破籬大交通。黃中無端興妖孽。扼吭拊背召  
外戎。入我堂奧利我土。野心未已誘我蒙。漁林礦壑締密  
約。脂膏吮吸患無窮。天幸悔禍厭邦隣。紅白薔薇亂同長  
。糾我貔貅與虎。驅彼豕與狼。黃種勢力未可量。成吉思汗  
地烈兀。土人毋忘祖業強。况復索倫耐苦戰。騎兵勇敢稱

獨擅。使大使鹿民族雄。雪窖冰天經鍛鍊。從此奮鬥振精神。整頓江山清荒甸。吁嗟呼。整頓江山清荒甸。塵沙揭起風雲變。

註一——張字魯箴。籍遼寧復縣。其生平不詳。



附錄六

呼倫貝爾獨立運動之內幕

(譯自密勒氏評論報第五十一卷第四期)

過去一星期由哈爾濱與遼甯傳來之消息。使吾人確信赤俄已在此滿利用蒙古青年。在呼倫貝爾進行其所謂自治運動。查呼倫貝爾位於黑龍江省界內。其面積廣約七萬六千平方英里。較之美國伊里諾斯洲。尚大逾三之一。實為中國一最有價值之地帶。其北有愛琿江。沿江藏金頗富。俯拾即是。三河一帶。亦在呼倫貝爾境內。土地肥沃。適於耕稼。海拉爾往北則草木豐茂。牛羊成羣。一絕好遊牧之

地。興安嶺山脈迤西。樹木蔥鬱。高可插天。迄今仍為處女森林地帶。從未加以斧柯。滿洲里扎蘭諾爾。復有煤礦。產量極廣。產量極廣。可供呼倫貝爾全境燃料之用。且呼倫貝爾為北滿邊防重地。惟人口甚稀薄耳。

呼倫貝爾久為俄人所侵佔。帝俄時代之人民與夫今日共產黨政府下之黨員都視為俎上之肉。一九二八年八月。蘇聯曾煽惑蒙古青年黨在海拉爾附近暴動。幸不久即為中國官廳鎮壓。未生重大波瀾。此後中國方面發覺此項暴動。確係與中東路有關之蘇聯官員所煽惑。而供給其資金作亂者。即為哈爾濱之遠東銀行。



呼倫貝爾亂事平息後。仍由中國當局維持秩序。未再生事端。至去夏中俄糾紛事起。呼倫貝爾又漸現不穩。七八月間。哈爾濱紛傳蘇維埃政府派員赴外蒙組織蒙古軍。圖由外蒙侵入呼倫貝爾。十月初。呼倫貝爾告警。遠東紅軍司令布留海爾遣騎兵四隊入三河騷擾。三河位於愛琿河畔。距中東鐵路軌道不過數英里。屬呼倫貝爾。有人口二萬。皆俄國僑民。在過去十一二年中。陸續由俄境遷入者。布留海爾將軍之赤色騎兵。多攜有機關槍。既侵入三河。即大顯威武。屠戮人民。惟恐不多。婦孺亦皆不免。十數處之俄僑村落。均被蹂躪於赤軍鐵蹄之下。計死難者在一千

名以上。未死之一萬七千五百名俄僑。九死一生。於十一月間均逃至哈爾濱。跋涉數百英里之長途。或乘車。或步行。與冰雪奮鬥。顛沛流離。極人間之艱難困苦。中途死者數百人。且其地尚居有中國人數百人。亦遭赤軍同樣之屠戮。幸而免者均逃至中東路之沿線。或仍遷回興安嶺。是時哈爾濱之美國紅十字會。及俄國之救濟團體。均曾設法救助。事實俱在。不容掩飾。

蘇聯軍隊於七。八。九。十。四個月內。屢圖攻破中東路西線盡頭之中國防地。雖再三嘗試。皆未奏效。然至十一月十七。十八。十九。三日。國民軍與改組派在廣東河

南起事。而與中央政府為敵。蘇聯乃乘時大舉進攻。因其軍械精良。有飛機數十架。坦克車多輛。飛機上均裝有機槍。且滿儲炸彈。任意攻擊。中國軍隊遂為所敗。赤軍之進攻。居然得最後之勝利。同時赤軍利用赤色軍官所指揮之蒙古軍隊自蘇聯控制下之外蒙入寇呼倫貝爾。赤軍一方破壞鐵路。一方炸毀中東鐵路沿線之中國城鎮。中國軍隊不得已。退至興安嶺。從此呼倫貝爾境內。不見中國兵士之蹤跡。中國居民。與夫俄國之僑民。亦皆逃避一空。

十二月初。蘇俄又為進一步之動作。武裝赤軍及其所指揮之蒙古青年黨。居然開進海拉爾。宣布獨立。成立所謂

呼倫貝爾共和國。以海拉爾為國都。且活動份子多係庫倫派來之蒙古青年共產黨員。完全受蘇聯共產黨員之指揮。若輩亦有多數從庫倫赴呼倫貝爾。進行其赤化工作。

哈爾濱之英、美、日、法、意各國領事。為明瞭呼倫貝爾之真相起見。曾開一專車。自哈西上。但至博克圖即不克前進。

中國當軸實無法保證該車之安全西上。此何以故。即因博克圖至滿洲里間之中東鐵路。今皆為赤軍及赤軍所指揮之蒙古黨人所佔。致該車終於十二月二十二日開回哈爾濱。

中俄雙方代表。最近曾在伯力舉行和平預備會議。間雙方業經同意恢復中東路原狀。相互釋放拘押之僑民。以及

自邊境撤回軍隊。中國方面當然提出赤軍自呼倫貝爾撤退之問題。所怪者。赤軍對於蒙古青年在呼倫貝爾之獨立運動。未表示負何種責任。莫斯科之消息。且謂該地對於海拉爾之情形全不明瞭。不過事實上赤俄曾在海拉爾設立鐵路票房。發售赴蘇聯國境之客車票。能通至莫斯科。海拉爾赤塔間。亦往返通行列車無阻。

蘇聯在呼倫貝爾活動之事實。已盡如上述。國民政府因討伐叛軍之故。無力北顧。於是遼寧政府在實際上。不得接受俄方恢復中東路原狀之條件。或者甚至被強迫承認赤黨在呼倫貝爾之統治權。亦未可知。因此可預料日本必

乘機活動。因莫斯科伸其勢力於呼倫貝爾。即無異破壞滿洲之均勢。更因日本在呼倫貝爾有相當之投資關係。加以近年來。日人在海拉爾一帶購用食物。決不能漠視無動於中。據哈爾濱遼寧兩方面之消息。日人近已非常注意呼倫貝爾之情形。日人對於赤俄在呼倫貝爾之活動。似居於反對之地位。日本某軍官云。此事將使日本在南滿之利益。大受影響。並聞日本政府已向駐東京之蘇聯大使。口頭上提出抗議矣。朱乃一譯

呼倫貝爾概要（東北文化社叢刊）全二冊

鄒尚友  
朱枕薪 合編

一九六二年十月

內蒙古圖書館根據

北京民族文化宮藏鉛印本傳抄

抄寫人 劉籬君

